

## Dé ou vièn-té lo non dou Vatican ?

Tchi an dé quiéta, lo Vatican y ire lo non d'én crutchón dé Romma, dou coté dret dou *Tibre*, fran in dirétsiún dou Tchamp dé Mars, a dretta dé un atro crehtón, lo *Gianicule*.

Damprumì y ira un terrén marsàn, tot vaco.

Un tén apré, Agrippine l'at fé ronqué lo terrén i pi dou crutchón, so la cohta, pé fére dé bé corti, é l'empéreur Nérón l'at fé-ieu bahtì un piquiot tchirco tot per sé, pé déverti-se. L'et la dindèn qu'ou l'at fét patì lo martire i prumì crétièn, a sèn Pière écheu, qu'a l'et intèrà la.

Quiécca pé co, lo crutchón dou Vatican l'at végnì un tsumitire tan pé li payèn qué pé li crétièn. L'empéreur Constantìn, intre l'an 326 é 333 apré Jézù Cri, l'at fét impiani la tsima dou crutchón pé bahtì la prumira guije dédià a sèn Pière.

L'et mique dépouì lo 1870 qué lo Vatican l'et lo pocht ou qu'ou ichta lo Sèn Pare. Ou Moyèn Adjo ou ichtae ou palats dou Latrà. Apré l'at trama-se dindèn d'atre gro palats dé Romma, comme lo *Quirinal*, qué ora l'et la rézidèntsa dou prézidàn da répubblica italièna.



lo gnalèi



Région Autonome  
Vallée d'Aoste  
Regione Autonoma  
Valle d'Aosta

Assessorat de l'Éducation  
et de la Culture  
Assessorato Istruzione  
e Cultura

### Tiré de :

www.focus.it, juin 2002

Texte inédit

Collaborateur de Challand-Saint-Anselme pour la traduction : Jean Voulaz

La transcription a été soignée par le Guichet Linguistique

Mise à jour de la graphie : octobre 2013